



Prezadus alunus i famílias di BGA,

21 di agostu di 2023

Na nomi di tudu funcionários di Boston Green Academy, benvindu di volta pa skola i feliz anu novu! Es anu sta prumeti ser un bon anu ku novus oportunidadis pa alunus i pa nos kontinuo konprumisu pa asigura ki BGA ta ser un skola undi bu pode ser kapaz di akredita, kresi i alkansa. Bu didikason pa aprendizajen, apoio pa kunpanheru, i resiliensia é txeu apresiadu. Nu tene gana di odja nhos na primeru dia di skola ki ta ser, **kinta-fera, 7 di setenbru, 8h00 di palmanha!**

Ali alguns kuzas inpurtanti ki nhos mesti sabi pa prepara pa novu anu letivo:

- **Anu ki sta ben komesa-** ku pandemia kuazi nos trás, nu sta kontenti di adisiona txeu oportunidadis pa BGA es anu li. Nu sta kontenti di oferesi três novu kursus di nível avansadu (Studus Afro-Merkanu, Guvernu Konparativu i Pré-káalkulo), ki ta aumenta nos total pa novi kursus. Nos sala di aula na ar livri foi totalmenti renovadu i sta pruntu pa resebi alunus i ser uzadu pa realiza ivalentus. Nu kunpra novus 'chromebooks' pa tudu nos alunus pa substitui kes antigus i novu mobilha dja txiga pa tudu salas di aulas di liseu. Nu sta adisiona sinku novu ekipas disportivu pa nos programa ben susedidu di Boston United Co-Op (odja dibaxu) i txeu otus klubis i parserias. I kes li é alen di kes tudu kuzas dretu ki dja sta na BGA!
- **Novu funcionário** - nu sta tanbê kontenti ku nos novu asistenti diretor di skola, sinhora Yeji Son, un antigu diretora di skola fundamental i profesora di matemátika ki ta ben trabadja ku tudu series di 6-12, i un pikenu grupu di funcionários novus ki nhos ta ben konxi en brevi, logu ki anu komesa. Obrigadu pa resebe-s!
- **Valoris i spektativas-** nu krê kontinua prugresu ki nu ten fetu komu un skola, i kontinua ta ileva nos spektativas i apoio pa tudu nos alunus. Nu mesti di nhos ajuda pa faze kel la. Nu ta kontinua ta ten pulítikas sólido na BGA es anu pa minimiza interupson, aumenta aprendizajen, i asigura ki tudu algen é ruspetadu na nos komunidadadi eskolar. Nu krê poi en prátika kes [valoris fundamentals](#) i [orientason di suguransa](#) di nos skola. Nu ta ben analiza-s en ditalhis ku tudu alunus i famílias óras ki nu komensa anu letivu - ta ten más informason sobri kel li já. Nu ta agradezi nhos apoio pa nos komunidadadi, asin nu pode manti konsentradu na nos aprendizajen.
- **Runions di kamara munisipal sobri regresu pa skola** - nu ta fika kontenti si nu odja nhos na **runion di regresu pa skola di Kamara munisipal di BGA na kinta-fera, 31 di agostu**, undi nu ta ben konpartilha atualizasons, diskuti nos pulitikas, i respondi purguntas. Tududôs runion ta ser realizadu na zoom: famílias ku kriansas na skola fundamental ta reúni di 5 pa 6 di tardi ([link sta li](#)), i famílias ku fidjus(as) na liseu ta reúni di 6 pa 7 di noti ([link li](#)). Pur favor ben djunta ku nos!
- **Pulítika sobri prizensa na skola-** gósi ki pandemia sta nos trás, BGA sta konsentradu na midjora prizensa di alunus na skola. Antis di COVID, BGA tinha un média di prizensa na skola di más di 90% tudu dia. Anu pasadu kel média staba na 84% (i mutu más baxu pa

txeu alunos). Nu sabi ma nu pode i nu mesti faze midjor. Spektativa di BGA es anu, é pa tudu alunos ben pa skola en pesoa, sinku dia pa semana. Pa apoia kel li, nos pulítika é ki kalker alunu ku kuantu ô más faltas injustifikadus na un més ka ta konsideradu más en 'bon situason akadémiku' i pode perdi asesu a disportu, atividadis ekstrakurikulares, extenson pa notas i otus priviléjius. Pa volta pa 'bon situason akadémiku', tantu alunu komu se família ten di partisipa imediatamenti na un runion sobri prizensa ku Ekipa di Apoio pa Alunu pa kria un planu pa apoio i mudansas. Pa ditalhis di pulítikas di frekuênsia na skola, odja [li](#). Nu ta agradesi nhos apoio enkuantu ki nu ta djuda tudu alunos ben pa skola tudu dia.

- **Pulítikas sobri uzu di aparelhos iletrónikus-** nu sabi ki telemóvel é un parti inportanti di nos vidas, má nos sala di aulas ten ki sta livri di distrason, asin nos alunos pode fika konsentradu i prende. Alunos na BGA ta kontinua ku permison di uza ses telemóvel duranti tranzison di aulas i na óras di almosu. Telemóveis i aparelhus iletrónikus ka pode ser vistu nen uzadu duranti aulas (sen autorizason di profesor). Nu ta kontinua ta enforsa es pulítika asin nos alunos pode konsentra na aprendizajen na ses sala di aulas. Si famílias ten ki kontata ses fidjus duranti ténpu ki es sta na skola, es pode sênpri txoma pa sikritaria prinsipal (617-635-9860) i nu ta dexa nhos fala ku'es. Nhos pode atxa ditalhis di pulítika [li](#).
- **Saúdi & suguransa-** nhos saúdi i suguransa é stremamenti inportanti pa nos. Nu ta kontinua vijilanti ku COVID, má nhos fika ta spera un komesu normal di anu letivo. Tudu aulas ta kontinua ta ser en-peso, ka ten opson pa klasis a distansia. Alunos i funsionários pode disidi si es krê uza máskara ô nau. Nu ta insentiva tudu algen pa reforsa ses vasinas (lugaris [li](#)). BPS ka ta faze tesdi regular di COVID na alunos es anu, má nu ta tene testis dispunivel na skola si nisisário. Kalker algen ki ten un testi puzitivu ten ki fika di kuarentena na kaza pa pelômenus sinku dias, ti ki es faze testi ki da negativu. Tudu algen debe uza [lista di verifikason di saúdi di BPS](#) tudu dia - ka bu ben skola si bu tene kes sintomas mensionadu na lista. Pais i responsáveis ta kontinua ta ser benvindu na prédio di BGA. Nu ta agradesi nhos kolaborason na manti tudu algen suguru i pára propagason di COVID.
- **Transporti di BPS-** BPS ta manda tudu famílias informason di autokaru di skola ki ses fidju foi designadu pa el pa kureiu (é ka BGA ki ta manda-s). Si nhos ka resebi kel informason li pa kureiu, nhos kontata transporti di BPS pa 617-635-9520.
- **Edukason spesial-** si bu fidju(a) ten un planu di edukason perzonalizadu (IEP) ô un planu 504, sertifika di kontata Maritza Ciliberto, nos diretora di edukason spesial (mciliberto@bostongreenacademy.org), asin nu pode resebi bu-s dokumentus i prepara servisu di apoio apropiadu. Nu ta resebi dokumentus di alunos ki dja sta na BPS automatikamenti. Alunos ki é novu pa BPS debe konpartilha ses dokumentu ku nos. Nu sta kontenti di kolabora ku bo!
- **Txiga pa skola-** alunos di ensino fundamental di BGA debi entra na prédio na ladu di Cambridge St, pertu di stasionamentu di BGA. Alunos di liseu di BGA debe entra atraves di skadas na frenti, na skina di Warren i Cambridge Streets. Funsionários ta resebi nhos na tudu dôs entrada!
- **Orário i kalendário di skola-** ali sta [órario di sinu di BGA](#) i [kalendário di anu letivo di 2023-24 di BPS](#). Informason adisional ku datas i iventus spesifikus di BGA ta ser konpartilhadu na komesu di skola. Kalendário di BGA ta podu na [nos pájina di internet](#) i ta atualizadu konstantimenti.

- **Pulítika i prusedimentus di skola-** nos [dokumento](#) di [purguntas fetu más txeu](#) ta kubri maioria di asuntus pa alunus di ensino fundamental i di liseu pa djuda nhos komesa anu. El ta inklui informason sobri transporti, lista di materiais i informason di uniformi pa alunus di ensino fundamental. Tudú alunus i famílias debe konsulta [manual di famílias i alunus di BGA](#) i [gia pa alunus i famílias di BPS](#).
- **Leitura pa faze duranti veron-** tudú alunus debe kompleta prujeto di leitura duranti veron. Nhos ta atxa ditalhis na www.bostongreenacademy.org/library. Prazu pa es prujeto é ti 13 di setenbru.
- **Lista di materiais-** lista di materiais pa regresu pa skola pa tudú series foi mandadu iletrónikamenti i el sta tanbê [li](#) na pájina di BGA(www.bostongreenacademy.org).
- **Apoio ku teknulujia** - alunus debe traze ses própi ‘chromebooks’ pa skola tudú dia. Si bu ka ten un, BGA ta da-u un na primeru dia di skola. Bu mesti di ajuda pa entra na Aspen ô na Jupiter Grades? Bu mesti di ajuda ku email ô ku internet? Tutorial kurtus en forma di vidíu pa tudú teknulujia na BGA sta dispunivel [li](#) (komesa ku tutorial di Aspen, ki sta [li](#)).
- **Peskiza sobri kuzê ki famílias mesti-** nu kre obi di nhos pa nu fika ta sabi kuzê ki famílias sta mesti. Favor prienxi [es kurtu peskiza](#) li pa komesu di anu. [Karka li](#) pa verson na spanhol.
- **Programa dipos di aulas normal** - nu sta kontenti di pode oferese más un bez splikason dipos di aulas na BGA, três dia pa semana. Pa inskrevi, favor prienxi i divolvi [es formulário](#) pa bu konsedjeru akadémiku óras ki skola komesa. Nu sta kontenti ku parseria ki nu faze ku [West End House Boys & Girls Club](#) na Allston/Brighton (un pikenu distansia a pé di BGA) pa programas dipos di skola, splikason i bons atividadis. Pa inskrevi na ses ofertas, visita ses [pájina di internet li](#). Programa na West End sta dispunivel na kuartas-feras di tardi óras ki BGA dispensa alunus sedu.
- **Disportus-**BGA ten programa disportivu nu tudú disportu ben konxedu. Nu sta kontenti di anunsia ki BGA sta ben adisiona sinku novu ekipas di disportu es anu komu parti di ‘Boston United Co-Op’ ku skolas Mary Lyon i Josiah Quincy Upper: vólei di mininas, kurida na pista kubertu, luta livri, vólei di rapazis i kurida na ar livri. Es é alen di nos programa atual di basket di mininas i rapazis ku Boston United. Nu ta kontinua tanbê ta kolabora ku liseu Brighton pa tudú otus disportus. Pa ekipas di otonu i eliminatória, karka [li](#). Pa inskrevi pa un timi, bu ten ki regista na Aspen (instruson sta [li](#)). Nu ta enkoraja tudú algen pa partisipa, má pa nhos kualifika, nhos lenbra ki nhos média di nota (GPA)ten ki ser 2.0, ki é izijidu. Si bu tene purguntas ki ten ki aver ku disportus, favor kontata Kordenadora Disportivu di BGA, sinhora Angelina Favalaro pa afavaloro@bostongreenacademy.org.

Es anu li ta ser bon enkuantu ki nu konsentra, fika suguru i saudável. Obrigadu pa toma konta di bu kabesa i di kunpanheru. Na BGA, nu sabe ma bu ta ser ben susedidu si bu trabadja duru, didika i enpenha. Nu sta li pa nhos i nu sta ansiozu pa nhos ten un anu letivo ben susedidu. Si bu tene kalker duvida, ka bu dexa di entra en kontatu ku sikritaria prinsipal di BGA pa 617-635-9860 (abertu di 7h30 di palmanha pa 15h30 di tardi, tudú dia di aula) ô konsulta pájina di internet di BGA na www.bostongreenacademy.org. Más un bez, feliz anu novu i nu ta odja nhos kinta-fera 7 di setenbru!

Midjoris kunprimetus,



¡Bienvenido! Byenveni! Soo dhawow!
 欢迎！ Bem-vindos! Benvindu!
 Ba pa
www.bostongreenacademy.org

Matthew Holzer, Diretor
mholzer@bostongreenacademy.org

Pa más informason:

Si bu tene kalker duvida, ka bu dexa di entra en kontatu ki orientador di bu fidju(a), txoma sikritaria prinsipal di BGA, ô manda un email pa kalker un di kes sigintis algen: (***=habla español**)

Pa prizensa na skola i apoio jeral:

Sinhora Nathalie De La Rosa* - Asistenti di xefi di pesoal- ndelarosa@bostongreenacademy.org

Pa programason i apoios:

Sinhora Vanessa Brea* - Orientadora akadémiku pa alunus di ensino fundamental (6-8)-
vbrea@bostongreenacademy.org

Sinhor Bryant Craft - Orientador akadémiku pa alunus di liseu (9-10)
-bcraft@bostongreenacademy.org

Sinhora Jodi Then - Orientadora akadémiku pa alunus di liseu (11-12)-
jthen@bostongreenacademy.org

Pa matrikula di novus alunus:

Sinhora Amanda Reveles* - Kordenadora di matrikula - areveles@bostongreenacademy.org

Pa apoio pa famílias i alkansi komunitário:

Sinhor Michael Cabrera* - Kordenador di famílias i di alkansi komunitário-
mcabrera@bostongreenacademy.org

Pa edukason spesial:

Sinhora Maritza Ciliberto* - Diretora di Edukason Spesial - mciliberto@bostongreenacademy.org

Pa aprendizes di inglés:

Sinhora Mia Lefkowitz* - Fasilitadora di ESL - mlefkowitz@bostongreenacademy.org

Pa teknulujia & transporti:

Sinhor Ryne Deckard - Diretor di teknulujia - rdeckard@bostongreenacademy.org

Pa disportus:

Sinhora Angelina Favalaro- Kordenadora di disportus & menbru di ekipa di apoio di alunus,
afavaloro@bostongreenacademy.org

Pa ekipa di apoio pa alunu:

Sinhor Brian Gonsalves - Diretor di apoio di alunus/trabadjador susial pa alunus di ensino fundamental- bgonsalves@bostongreenacademy.org

Sinhor Regi Loving - Dekanu di alunus - rloving@bostongreenacademy.org

Sinhora Katonya Gaines* - Trabadjadora susial pa edukason spesial -
kgaines@bostongreenacademy.org

Sinhora Marlena Cesar-Mendez* - Trabadjadora susial di ELL -

mcesarmendez@bostongreenacademy.org

Sinhora Mayra Rivera* -Apoio pa alunus di ensino fundamental - mrivera@bostongreenacademy.org

Sinhor Jonathan Torres* -Apoio pa alunus di ensino fundamental -

jtorres@bostongreenacademy.org

Sinhora Briea McDaniels -Apoio pa alunus di liseu- bmcdaniels@bostongreenacademy.org

Sinhor Taron Seaforth* -Apoio pa alunus di liseu - tseaforth@bostongreenacademy.org

Sinhora Lauren Kelton* - Trabadjadora susial pa alunus di liseu- lkelton@bostongreenacademy.org

Pa purguntas jeral:

Manda un email pa info@bostongreenacademy.org i nu ta pasa informason pa pesoa kuretu.